

Бишкекда исломий болалар боғчаси очилди



19:30 / 04.02.2021 1698

Яқинда Қирғизистон пойтахти Бишкекда Сундус номли исломий болалар боғчаси очилди Бу ҳақда iqna манбаси хабар берди.

Унда болаларга Қуръоннинг қисқа суралари, ҳадислар ва Ислом маданияти ўргатилмоқда.

Қирғизистонда таниқли Ислом мутафаккири ва Қирғизистоннинг собиқ бош муфтийси Шайх Чобак Ҳожи Жалиловнинг рафиқаси Айсалкин Колматова Бишкекда исломий болалар боғчасини ташкил қилиб, унга қизининг исми Сундус номини берди.

Ушбу болалар боғчасини ташкил этишдан мақсад ёш авлодни гўзал хулқ-атворлар билан тарбиялашдир.

Колматова Қирғизистондаги Наъим Ислом мактабига қарашли болалар боғчасида етти йилдан кўпроқ вақт ўқитувчи ва директор бўлиб ишлаган. Ўша пайтда у қачондир ўз боғчасини очишни орзу қилган.

Шу нуқтаи назардан Айсалкин Колматова ушбу болалар боғчасини ташкил этишдан мақсад Аллоҳ Таолонинг розилигига эришиш ва гўзал хулқли болаларни тарбиялашдан иборат эканлигини айтиб, ушбу боғчада умумий ўқув дастуридан ташқари болаларга Қуръони каримдан қисқа суралар

ёдлатилиши ва Пайғамбаримиз ҳадислари таржимаси ўргатилишини таъкидлади.

Шуни ҳам айтиб ўтиш керакки, ушбу боғчадаги барча ўқитувчилар олий маълумотга эга, исломий ва ижтимоий билимларни чуқур эгаллаган ҳамда болалар билан ишлаш тажрибаларига эга бўлган устозлардир.

Қирғизистондаги ушбу Сундус болалар боғчаси ўқув режалари бўйича ноёбдир ва 2,5 ёшдан 6 ёшгача бўлган болаларни қабул қилади.